

# GJORNÂL DAL LEON

## NOTIZIARI DE PRO LOCO PAÏS DI SAN MARC



Amîs di San Marc, o vin il plasê di presentâ chest gnûf numar dal Gjornâl dal Leon, il piçul notiziari de Pro Loco Païs di San Marc. L'an che o vin a pene passât, segnât da pandemie, nus à obleâts a anulâ cetantis des nestris iniziatis, prime fra dutis la Fieste dal Païs di San Marc. No vin podût fâ il tradizional gustâ comunitari dal 25 di Avrîl e ancje il nestri chiosc da domenie al à scugnût fermâsi par cuasi doi mêis. In cheste pagjine i cjatarês ce che o sin rivâts a organizâ inte prime part dal an e intai prins mêis de Sierade. Sperin di podê recupe-râ il prossim an cu la passion di simpri.



I prins dîs dal an a son leâts al tradizional **Fugaron**. Di fat la sere dal **5 di Zenâr** intai cjamps de comunitât o vin preparât il nestri pignarûl. Ancje se la costruzion dal cjistiel di stran cumò e je afidade a lis machinis, al è simpri biel cjatâsi e stâ insieme, compagnant il lavôr cun moments di convivialitât. Di sere, l'event al à clamât dongje feminis, oms e fruts che sot dal gazebo a àn spietât cul baticûr l'impiament dal falò, cjatant confuart cun te, vin brulè e dolçs fats cu la nestre farine.



Domenie ai **12 di Zenâr**, o vin ospitat inte nestre Sale de Comunitât la compagnia teatrâl **U.T.E. Gli Improbabili** di San Vît al Tiliment. Nus àn presentât **Cuestione di Quore**, une simpatiche comedie recitade une vore ben e direte di Claudio Moretti. Buine la partecipazion dal public.



E simpri di teatri si sin ocupâts sabide ai **25 di Zenâr**. Inte nestre Sale de Comunitât la compagnia teatrâl **I Baracons** nus à intratignût cu la rapresentazion de opare **La Dite des gubanis**, scrite di Marco Zucchiatti, un component dal grup. Straordenarie la partecipazion dal public, al pont che la compagnia e à scugnût proviodi un altre repliche dal spetacul, il mês dopo.



Domenie ai **28 di Jugn** al è tornât a vierzi il chiosco domenicâl dopo cuasi trê mêis di stop. Intal rispjet imponût da emergjenze sanitarie, la partecipazion da int si è fate sintî: ducj o jerin contents di tornâ a viodisi dopo vè passât tant timp sierâts in cjase. No si podeve strenzisi la man e par saludâsi o dopravin il comedon. Ma il **stâ insieme** non à distancis e si sin divertûts di stes, pûr vint intor la mascarute!



Ai **12 di Setembar**, inte nestre Sale de Comunitât Agnul Floramo e Mauro Daltin nus àn presentât il lôr libri **Il fiume a bordo**, scrit ancje cun Alessandro Venier. Un viaç straordinari traviers i flums Tiliment e Lusing vuidant un furgon scancarât. Intai limits imponûts des restrizions sanitariis, la partecipazion dal public e je stade buine.

La serade e je lade indenant intal chiosco, indulà che i doi autôrs intervignûts si son intratignûts cui presints e a àn autografât lis copiis dal libri.



Domenie ai **4 di Otubar**, in occasione de Fieste dal Perdon, sul sagrât de nestre glesie si è davuelte la vendite dai ciclamins par tirâ sù alc di destinâ a **Un Sole per la Vita**, par sostignî economicamenti i progjets di solidarietât par i fruts di Haiti. Graciis a dutis lis personis che a sostegnî cheste iniziative cun impegn e costance.



Vinars ai **9 di Otubar**, San Marc al à viodût il passag di une tape dal **56im Zîr Ciclistic Internazional dal Friûl Vignesie Julie Under 23**. I spazis da Sale de Comunitât e dal plaçâl esterni e àn ospitat i palcs e lis struturis de corse, intant che il nestri chiosco al dave padin a lis personis presintis. Al è stât une vore preseât l'impegn de nestre Pro Loco che a fin zornade e à ricevût i compliments dai organizadôrs de gare ciclistiche.



Ai **7 di Novembar** in dilunc il perimetri dai cjamps de comunitât e je stade plantade une cise fate di plantis autoctonis in numar pari ai abitanti dal païs. Cheste idee, clamade in struc **Un arbul paromp e o tornarin a plomp**, a memoreâ il Friûl post taramot, e je chêt di dâ cuintri ai cambiamenti climatics cuntune azion che a partîs dal bas, cuntun fuart significât simbolic ma ancje une vore concret. La propueste e je nassude dal Comitât dai fruts e des frutis di San Marc, che stant al Statût de Comunitât a àn il dirit di formulâ propuestis pe gjestion dai bens civics. L'iniziativa si è realizade in grazie ae colaborazion di AIAB FVG.



La situazion de pandemie di COVID-19 e à impedît di abinâ la plantumazion ae tradizional **Fieste de Semine**, apontament fis di chest periodi di bande dal Comitât pe Gjestion dai Bens Civics di San Marc. La Fieste a tirave dongje ducj i fruts dal païs inte semine dal forment e a dâ un contribût ae prosecuzion dal progjet Pan e farine dal Friûl di Mieç, che e à vût origine propit a San Marc e che cumò e je l'iniziativa plui impuartante dal Distret di Economie Solidâl dal Friûl di Mieç, li che a partecipin cetantis amministrazioni comunâls dal teritori. Ancje par chest progjet a San Marc e je nassude la prime **Comunitât dal Mangjâ Slow Food** dal Friûl Vignesie Julie ufficialmenti ricognossude di Slow Food Italie.

Graciis di cûr a dutis lis personis che a àn contribuît cun lavôr e cun passion par che ogni iniziative a saltedi fûr par la miôr, mostrand di vè... il cûr a San Marc!



A ducj un auguri di Buinis Fiestis!